

鞏縣志卷之十一

鞏縣知縣李述武纂修

職官志下 名宦

治行可考者職官後例載名宦夫循吏之難前史所載殊渺昔人以廉才慈惠強幹四者盡吏治然皆不得稱循吏而今之祀鄉配社者公論亦綦嚴焉節取焉可矣分之俎豆列諸貞珉其亦奮然而興起也乎志名宦

唐

蔣清

〔唐書蔣欽緒傳〕舉明經中第調鞏丞東京留守李愷表為

鞏縣志

第二册 卷之十一

職官 五十三

河南商務印刷所印

刺官與愷同死安祿山亂贈禮部侍郎太和初追謚曰忠 補

白 鏗

〔白居易撰白府君行狀〕祖鏗字子鍾太原人明經及第授鹿邑縣尉晉洛陽主簿遷鞏縣令在任三考自鹿邑至鞏縣皆以清貞靜理聞於一時

按舊志既誤以鏗為居易父又載始為高州判官後令鞏恩威並用民愛之懷之其語不知何據止依居易集行狀載之

宋

范祖述

〔宋史范鎮傳〕祖述鎮子知鞏縣文彥博稱其能

張 洞

〔宏簡錄本傳〕祥符進士晏殊知永興奏洞管勾機宜文字  
改大理丞知鞏縣留守西京復奏爲錄事深敬之

元

王 翱

〔李通志〕彰德人大德間爲鞏縣尹有治聲民感其德舊志  
翱字飛卿有德政碑在洛口

高士英

〔舊志〕士英剛正廉幹不陵不援見修學碑

明

張 庸

鞏縣志

第二册

卷之十一

職官

五十四

河南商務印刷所印

〔施府志〕洪武間任鞏縣丞時草昧初定城郭公宇多經創  
造祀名宦

王 豪

〔施府志〕高唐人洪武初任教諭性廉介精於易學誨諸生  
不倦祀名宦

柯 忠

〔施府志〕懷寧進士成化間知鞏縣有惠政舉廢興亡修文  
廟累官江西巡按

榮 華

〔施府志〕成化時知鞏縣剛明果斷吏畏民懷時值黃河泛

溢城垣公署俱經漂沒以次修建陞巡按

孫讓

〔施府志〕天順時知鞏縣元末兵燹一望荆棘城郭學宮皆賴經營其他善政尤多鞏人至今思之

王瀚

〔施府志〕瀚令鞏廉靜有爲恩威並著

李河

〔舊志〕河篤實謹厚敷政以寬時值年荒多盜河賑饑民緝強暴各得其法鞏人思之

沈源

鞏縣志

第二册

卷之十一

職官

五十五

河南商務印刷所印

〔施府志〕嘉靖時知縣事平賦役勸農桑獎拔士類振興文教有古循良風舊志嘉靖時知縣沈源謝九叙皆重修學宮任義

〔施府志〕義知縣事賦性慈祥吏治皆本經術惠政多端邑人至今思戴

周泗

〔舊志〕嘉靖二十二年六月大水城舍學宮漂沒殆盡泗躬壅塞民鮮流離越一年經理區畫百堵皆興

韋以誠

〔施府志〕知鞏縣博大坦夷行取無事飾文章於吏治寓撫

字於催科以辭官去士民多有泣送者

盧鴻漸

〔施府志〕萬歷間知縣事悃悞無華涇渭不爽以情恕人不及以理遣人妄干蓋今之古道者

顧漢

〔施府志〕萬歷間知縣事寬裕和平能持大體

孫從教

〔舊志〕介直不阿遇事風生講學作人猶惓惓焉

俞价

〔舊志〕以臺省直言忤時左遷是邑方正廉明鋤擊豪強士

民有驄馬官府之謠

程宇鹿

〔施府志〕萬歷間知縣事博學能文綽有史才歷官多建置學宮尤爲加意

宋文瑞

〔施府志〕知鞏縣事才力敏達長於應變值寇起繕甲兵築城池雖兵刃屢接而閭巷安堵如故

閻士選

〔施府志〕崇正十六年以訓導署縣印流寇突至率民防禦援絕城破被執不屈罵賊而死妻李氏亦自縊祀名宦

〔舊志〕城破賊執言曰聽汝是清官欲文欲武聽汝自擇士  
選罵曰吾朝廷臣子豈爲汝賊用乎賊脅使跪大罵曰吾上  
跪君王下跪父母豈跪汝死賊遂遇害康熙八年濟源士民  
公舉入鄉賢祠載濟源忠節志

國朝

郭永建

〔施府志〕時鞏城舍邱墟居民星散永建多方招徠加意撫  
綏經管草昧厥功爲最轉鄖陽通判

吳三仁

〔舊志〕性簡夷與民休息四郊之內若不知有長吏焉

鞏縣志

第二冊

卷之十一

職官

五十七

河南商務印刷所印

徐 樑

〔施府志〕任知縣修城池設防衛客兵不敢騷擾驛遞隣邑  
不敢妄扳牛車者戢其力也

李國維

〔續通志〕康熙十二年任賑饑緝暴勤幹廉明供應大兵民  
皆安堵二十年轉雲南新興州知州

顏光昌

〔續通志〕知鞏縣修縣志補樂祭噐邑人尤稱其慈祥

李 鏞

〔舊志〕蒞治明敏斷獄如神士民有李嚴顏寬之稱工詩賦

善書篆學者爭爲秘寶

多時琦

〔施府志〕康熙四十一年洛水暴漲廬舍多圯時琦多方調卹復於城門傍鑿石爲槽設立閘板以爲捍禦之備民賴以安

季璟

〔施府志〕有才幹多所修建是時霖雨不止驛路多崎嶇璟捐俸修平道路又修前令多時琦所置閘板未幾洛水大漲勢洶湧東門危險璟竭力率民守禦士民稱之

段應龍

鞏縣志

第二冊

卷之十一

職官

五十八

河南商務印刷所印

〔施府志〕康熙二十八年任縣丞廉明仁慈歷署嵩密兩篆因過勤勞卒於密葬鞏城南太和谷遂家焉士民思之爲立遺愛碑

張于宸

〔施府志〕任教諭孤介不阿具有長才常捐修文廟

張天保

〔施府志〕雍正年間任日接數十狀立發遣無不允服月餘幾無訟理者自奉甚約後行取

張珩

〔施府志〕知鞏縣有惠政去後人每思雲南張不置云

周 怡

〔舊志〕任訓導課士有功學者至今思之尤精易學

梁 溥

〔採訪事實〕嚴明敏達釐弊剔奸吏民肅然不敢玩法後陞

任祥符

高兆煌

〔採訪事實〕果斷剛明豪強斂跡訟無留獄

李天墀

〔採訪事實〕才力敏達直介有爲鞏北界溫境黃河遷徙不常兩邑民常爭田界上憲親詣勘丈天墀與溫令爭于上憲

前聲色俱厲溫令語屈邑民恐天墀得罪願息訟天墀曰吾即得罪不過左遷豈忍戀一官使衆民失業耶邑人至今懷之任滿遷永城後任至知府

王 璟

〔採訪事實〕字丹崖悃悞無華不尚繁苛博學能文吏治餘暇訓課士子多所成就所刻有芝田課藝行世後陞任固始

陳龍章

〔採訪事實〕字飛白到任屢辦河工因值歲荒支公帑數千緡爲粥以活饑民署中月兩課始終不倦門下多知名士告歸時吏民攀留爲築小憩亭與士子唱酬其中歲餘乃歸

鞏縣志

第二册

卷之十二

選舉

六十

河南商務印刷所印

鞏縣志卷之十二終